



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU KONGRESNE NARODNE STRANKE ZAŠTITE PRAVA BORACA I GRAĐANA-PRAVDE I MORALA BIH

Broj: 09-07-6- 183/07
Sarajevo, 24.04. 2008. godine

SADRŽAJ :

MIŠLJENJE REVIZORA	3
1.UVOD	4
2.PREDSTAVLJANJE POLITIČKE STRANKE	4
3.OPIS PREGLEDA I KANCELARIJSKE REVIZIJE	5
Predmet kancelarijske revizije	5
Cilj kancelarijske revizije	5
Obim kancelarijske revizije	5
4.PREDHODNE REVIZIJE	5
5.NALAZI KANCELARIJSKE REVIZIJE I PREPORUKE	
5	
5,1.NALAZI	5
5.2.PREPORUKE	6
KOMENTAR	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja KNS-a BiH i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljene kancelarijske revizije godišnjeg finansijskog izvještaja utvrđeno je da je KNS BiH prekršila odredbe člana 5. stav 1. i odredbe člana 11. stav 2. i stav 3. Zakona o finansiranju političkih stranaka i odredbe člana 15. stav 1. Izbornog zakona BiH.**

Na osnovu našeg pregleda, odnosno kancelarijske revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja **KNS-a** i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka KNS BiH je iskazala prihode u iznosu od 17.000,00 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0	0%
2	Prilozi fizičkih lica	5.000	2941%
3	Prilozi pravnih lica	12.000	7059%
4	Prihodi od imovine	0	0%
5	Prihodi od pr.lica	0	0%
6	Prihodi od poklona	0	0%
7	Prihodi iz budžeta	0	0%
	Ukupni prihodi:	17.000	10000%

U godišnjem finansijskom izvještaju politička stranka KNS BiH je iskazala ukupne rashode u iznosu 16.900,00 KM.

2. PREDSTAVLJANJE POLITIČKE STRANKE

Naziv političke stranke: Kongresna narodna stranka zaštite prava boraca i građana-pravde i morala BiH. Skraćeni naziv je KNS BiH.

Politička stranka KNS BiH je registrovana 16.05.2006. godine kod Suda u Sarajevu pod brojem RF-125/06.

Sjedište političke stranke je u Tuzli, Donje brdo broj 6.

Za zastupanje stranke ovlašten je Enver Imširović-Munja, predsjednik. Osoba ovlaštena za podnošenje finansijskih izvještaja za 2006. godinu je Šabanović Zlatija.

Organizacionu strukturu stranke KNS-a čini Centrala stranke. KNS BIH nema nižih organizacionih dijelova.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj političke stranke KNS BiH za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

Cilj kancelarijske revizije je da revizor na bazi finansijskog izvještaja pokuša da ustanovi da li je KNS BiH u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

Obim kancelarijske revizije finansijskih izvještaja KNS BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica i troškove predizborne kampanje.

4. PRETHODNE REVIZIJE

Izvršen je pregled godišnjeg finansijskog izvještaja KNS BiH za 2005. godinu i izdat je izvještaj o pregledu sa mišljenjem revizora da je stranka postupila u skladu sa odredbama Zakona o finansiranju političkih stranaka.

Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

5. NALAZI KANCELARIJSKE REVIZIJE I PREPORUKE

5.1. NALAZI

- a) **Na osnovu obavljene kancelarijske revizije godišnjeg finansijskog izvještaja utvrđeno je da je KNS BiH je prekršila odredbe člana 5. stav 1. Zakona o finansiranju političkih stranaka.**

Ova politička stranka je od Stranke za BiH primila prilog u iznosu od 12.000,00 KM, čime je prekršila zakonom dozvoljeni limit na visinu priloga za 7.312,00 KM.

- b) **Na osnovu obavljene kancelarijske revizije utvrđeno je da je KNS BiH prekršio člana 11. stav 2. Zakona o finansiranju političkih partija i odredbe člana 15. stav 1. Izbornog zakona BiH.**

KNS BiH je Centralnoj izbornoj komisiji BiH podnijela postizborni finansijski izvještaj koji se podnosi za period od dana podnošenja prijave za ovjeru za izbore do dana ovjere rezultata izbora, mimo zakonom utvrđenog roka.¹

- c) **Na osnovu obavljenog pregleda i kancelarijske revizije finansijskih izvještaja utvrđeno je da je KNS BiH postupala suprotno odredbama člana 11. stav 3. Zakona o finansiranju političkih stranaka.²**

Obrasci finansijskog izvještaja nisu popunjeni u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

Troškovi predizborne kampanje

KNS BiH su postupili u skladu sa odredbama člana 15.10 Izbornog zakona BiH, odnosno u svrhu izborne kampanje su potrošili 674,26 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju

¹ S obzirom da je odluka CIK-a o rezultatima izbora objavljena 03.11.2006.godine (Sl. Glasnik 88/06), rok za podnošenje postizbornih finansijskih izvještaja bio je 04.12.2006.godine, a stranka je isti dostavila 22.01.2007.godine.

²Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH.

³ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

birača koje je objavila Centralna izborna komisija BiH. Prema podacima Centralne izborne komisije KNS BiH je mogla potrošiti 1.461.806,40 KM.

5.2. PREPORUKE

Kongresnoj narodnoj stranci BiH se preporučuje da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *Da postupa u skladu sa odredbama člana 5. stav 1, člana 11. stav 2. i 3. Zakona o finansiranju političkih stranaka, i odredbi člana 15. stav 1. Izbornog zakona BiH.*

KOMENTAR:

U ostavljenom roku KNS se očitovala na Preliminarni izvještaj o reviziji godišnjeg finansijskog izvještaja za 2006.godinu. KNS u svom dopisu od 07.03.2008. godine, navodi da je primila novčanu pomoć od Stranke za BiH na ime plaćanje izborne takse. Stranka nije osporila da je primila novčanu pomoć- donaciju koja je limitirana članom 5. stav 1. Zakona o finansiranju političkih partija, kao i ostale nalaze, pa su isti ostali nepromjenjeni.

Hasida Gušić, šef Službe

Andan Nevenko, revizor

Anela Burdžović-Kapić, pomoćnik revizora